



Broj:01-2-1947/13
Sarajevo, 10.06.2013. godine

MEDIJIMA

Predmet : Informacija za medije

LIZING SEKTOR FEDERACIJE BiH U PRVOM KVARTALU 2013.GODINE

Prema pokazateljima poslovanja lizing društava u Federaciji BiH sa 31.03.2013. godine evidentno je da poslovanje lizing društava u navedenom periodu pokazuje znake stabilizacije u kontekstu vrijednosti novozaključenih ugovora i ostvarenog rezultata poslovanja u odnosu na isti period prethodne poslovne godine. Ipak, negativni efekti krize neminovno su utjecali na poslovanje lizing društava i u prvom kvartalu tekuće godine, što je vidljivo kroz bilansnu sumu, koja je na dan 31.03.2013. godine iznosila 675.236 hiljada KM, što je za 2,75% manje u odnosu na 31.12.2012. godine. U strukturi ukupne aktive lizing društava najznačajnije učešće su imala neto potraživanja po osnovu finansijskog lizinga koja su iznosila 415.931 hiljada KM, što je u odnosu na kraj 2012.godine manje za 2,73%, dok su bruto potraživanja po osnovu finansijskog lizinga manja za 3,63%.

Neto potraživanja po osnovu zajma su na dan 31.03.2013. godine iznosila 106.850 hiljada KM, te u odnosu na 31.12.2012. godine, povećana su za 0,55%. Neto vrijednost osnovnih sredstava finansiranih putem operativnog lizinga iznosila su 27.677 hiljada KM i za 6,79% su manja u odnosu na 31.12.2012. godine.

Ukupne obaveze po kreditima na dan 31.03.2013. godine iznose 600.563 hiljada KM i smanjene su za 3,54% u odnosu na 31.12.2012. godine. Vrijednost novozaključenih ugovora finansijskog i operativnog lizinga u periodu od 01.01. do 31.03.2013. godine je iznosila 42.398 hiljada KM i za 4,56% je veća u odnosu na isti period prethodne godine.

Ukupni kapital lizing društava je na dan 31.03.2013. godine iznosio 48.263 hiljada KM i sa 31.12.2012. godine, navedena pozicija je manja za 0,66%, što je uzrokovano činjenicom da je sektor ostvario gubitak u iznosu od 321 hiljada KM. U poređenju sa istim periodom prethodne godine kada je iskazan ukupan gubitak u iznosu od 7.133 hiljade KM, može se konstatirati da su lizing društva načelno zaustavila negativan trend iskazivanja visokih poslovnih gubitaka koji su uglavnom uzrokovani poteškoćama u naplati potraživanja finansiranih u periodu do 2010. godine.

URED FBA ZA INFORMIRANJE